



KANTON SARAJEVO  
Kantonalna javna ustanova  
za zaštićena prirodna područja

CANTON SARAJEVO  
Cantonal Public Institution  
for Protected Natural Areas

Broj: JN-59-6/17  
Sarajevo, 11.04.2017. godine

Na osnovu člana 64. stav (1) tačka b) člana 70. st. (1), (3) i (6) Zakona o javnim nabavkama („Sl. glasnik BiH“, broj 39/14), člana 8. stav (1) tačka f) Pravilnika o uspostavljanju i radu Komisije za nabavke („Sl. glasnik BiH“, broj 103/14), a na osnovu Preporuke Komisije broj: JN-59-5/17 od 04.04.2017. godine, u postupku nabavke robe, v.d. direktor Kantonalne javne ustanove za zaštićena prirodna područja je d o n i o

**ODLUKU**  
o izboru ponuđača

**Član 1.**

Prihvata se Preporuka Komisije za javnu nabavku, broj: JN-59-5/17 od 04.04.2017. godine, te se dodjeljuje Ugovor o nabavci, isporuci i montaži robe - kompresora za biološki uređaj i postavljanje ormarice iznad kote terena u koju bi se instalirao kompresor ponuđaču **REGENERACIJA d.o.o. Sarajevo** - čija cijena ponude iznosi 1.499,00 KM bez PDV-a, a sa uračunatim PDV-om i popustom od 5% iznosi 1.666,14 KM.

**Član 2.**

Predmetni Ugovor dostavit će se na potpis izabranom ponuđaču.

**Član 3.**

Ova odluka objavit će se na web-stranici Javne ustanove [www.zppks.ba](http://www.zppks.ba) istovremeno s dostavljanjem ove odluke izabranom ponuđaču.

**Član 4.**

Ova odluka stupa na snagu danom donošenja.

**O b r a z l o ž e n j e**

U Kantonalnoj javnoj ustanovi za zaštićena prirodna područja se ukazala potreba za nabavkom robe - kompresora za biološki uređaj sa uključenim uslugama nabavke, transporta i ugradnje novog, te postavljanje ormarice iznad kote terena u koju bi se instalirao kompresor koji se nalazi u sklopu fijakerskog stajališta na području Spomenika prirode „Vrelo Bosne“.

V.d. direktoru ove ustanove je dana 04.01.2017. godine podnešen zahtjev za nabavkom navedene robe.

Razmatrajući predmetni zahtjev, uzeta je u obzir činjenica da je predmetna nabavka neophodna zbog puštanja postojećeg bioprečištača u funkciju, a s ciljem zaštite podzemnih voda u vodozaštitnoj zoni na području Spomenika prirode „Vrelo Bosne“, lokacija fijakersko stajalište.

Procijenjena vrijednost predmetne robe bez PDV-a je 4.000,00 KM.


Komisija za javnu nabavku imenovana je Odlukom broj: 59-1/17 od 20.03.2017. godine.

Pismenim putem je od ponuđača REGENERACIJA d.o.o. Sarajevo tražena dostava cijene ponude predmetne robe sa troškovima nabavke, isporuke i montaže, iz razloga što se navedeni ponuđač, kao osnovnom djelatnošću, bavi proizvodnjom i instaliranjem uređaja za pročišćavanje otpadnih i oborinskih voda i izradom vodovodnih sistema.

Obzirom na procijenjenu vrijednost robe, nabavka je provedena putem direktnog sporazuma.

Nakon što je pismeni prijedlog ponude dostavljen od strane prednje navedenog ponuđača, Komisija je dana 04.04.2017. godine sačinila Zapisnik o ocjeni ponuda i dala Preporuku o izboru ponuđača broj: JN-59-5/17 od 04.04.2017. godine, u postupku nabavke robe - kompresora za biološki uređaj i postavljanje ormarice iznad kote terena u koju bi se instalirao kompresor.

Na osnovu gore izloženog, direktor je donio Odluku kao u dispozitivu.



  
v.d. DIREKTOR  
mr. sci. Osman Delić

Dostaviti:

- 1) REGENERACIJA d.o.o. Sarajevo
- 2) Za objavu na web stranici Javne ustanove i
- 3) U spis predmeta